

**Notat**Dato: 24.01.2019  
Arkivsak: 2015/12675-3  
Saksbehandlar: nilvetl

---

**Til:** Fylkesutvalet

---

**Frå:** Fylkesrådmannen

---

**Forslag til nytt inntektssystem for fylkeskommunane - fråsegn frå Vestland fylkeskommune**

Kommunal- og moderniseringsdepartementet la 7. januar 2019 fram forslag til nytt inntektssystem for fylkeskommunane med verknad frå 2020. Høyringsfristen er sett til 8. mars 2019.

Bakgrunnen for forslaget om nytt inntektssystem er regionreformen der talet på fylkeskommunar går ned og inntektssystemet som gjeld i dag må dermed oppdaterast.

I høyringsbrevet skriv departementet m.a.:

«Kommunal- og moderniseringsdepartementet har ved flere anledninger varslet at inntektssystemet for fylkeskommunene vil bli revidert i forbindelse med regionreformen, blant annet for å sikre at det er tilpasset den nye fylkesinndelingen. Departementet legger nå fram forslag til endringer i inntektssystemet, og ber om tilbakemelding på forslagene i høringsnotatet. Departementets endelige forslag til nytt inntektssystem vil bli presentert i kommuneproposisjonen for 2020, som legges fram i mai 2019. Det nye inntektssystemet vil gjelde fra 1. januar 2020.»

Departementet minner i høyringsbrevet om at forslaget til inntektssystem som no ert lagt fram, gjeld oppgåvene fylkeskommunane har i dag. KMD skriv:

«Høringsforslaget tar utgangspunkt i de oppgavene fylkeskommunene har i dag. Som en del av regionreformen har regjeringen foreslått at fylkeskommunene skal styrkes med overføring av nye oppgaver. Regjeringen presenterte i Meld. St. 6 (2018–2019) Oppgaver til nye regioner en oversikt over oppgaver som Stortinget har sluttet seg til skal overføres eller som kan vurderes overført til fylkeskommunene. Meldingen ble behandlet av Stortinget 18. desember 2018, jf. Innst. 119 S (2018–2019). Finansieringen av de nye oppgavene omtales ikke nærmere i høringsnotatet, men følges opp i de ordinære budsjettokumentene fra departementet.»

Tilsvarande gjeld for oppgåveendringa som skal skje innanfor fylkesvegsektoren – denne endringa er heller ikkje omfatta av forslaget til nytt inntektssystem for fylkeskommunane.

### **Handsaming av høyringsfråsegna**

Det nye inntektssystemet gjeld som nemnt frå 2020 og vil få verknad for Vestland fylkeskommune. I samråd med prosjektleiaren, ser fylkesrådmannen det som naturleg at det vert utarbeidd fråsegn for Vestland fylkeskommune i fellesskap mellom Sogn og Fjordane og Hordaland fylkeskommunar som vert lagt fram for fellesnemnda i møte 14. februar.

Formelt er det fylkeskommunane som er høyringsinstans. Det vert difor lagt opp til handsaming av fellesnemnda si tilråding i fylkesutvalsmøtet 21. februar. Sogn og Fjordane fylkesutval har møte 6. mars.